

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 22. De tepore in obsequio divino.

[urn:nbn:de:hbz:466:1-60495](https://nbn-resolving.de/urn:nbn:de:hbz:466:1-60495)

tas! quæ stultitia? aquæ guttam formi- Januarius
do, &c., ut ei me subtraham, in forna-
cem ardenter me conjicio.

Statue contemnere judicium hominum, quod
tibi nec bonum nec malum creare potest; sed ti-
me judicium DEI, cuius erit de æterna tua feli-
citate vel infelicitate decidere.

Qui mel erubuerit, & meos sermones:
hunc filius hominis erubescet, cùm vene-
rit in Majestate sua. *Luc. 9. v. 26.*

Times prorsus, ne offendas majorem;
& non times, ne offendas Deum. *Aug.*

D I E S XXII.

De Tepore in cultu Divino.

I.

Utinam frigidus essem, aut calidus, inquit
Deus Epilcopo Laadiceæ; sed quia tepidus *Apoc. 3. 15.*
es, & nec frigidus, nec calidus, incipiam te
evomere ex ore meo. Status teporis valde
misera sit necesse est, quod videatur opta-
bilem reddere statum illum maligno fri-
gore infamem. Magis optatur, vel cer-
te minùs timetur hostis apertus, quam
amicus vel infidus, vel suspectus. Et iste
est character hominis tepidi erga Deum.
Hæc dispositio tantò funestior est, quia

E

facit

Januarius.

facit, ut homo sit, ut ita loquar, oneri cordi IEsu, quod non allevatur, nisi eum evomendo. Eheu! si è corde IEsu ejecti, exclusique sumus, quò fugiemus? Nullus amplius nobis locus præter infernum supereft. Evidem è Cælesti Paradiso, quām è corde IEsu expelli mallem. Hoc enim corde si excludimur, amoris ejus partem amplius non habemus; si partem amoris ejus non habemus, quām sumus, nisi reprobati?

Ierem. 48. II. *Maledictus*, inquit spiritus sanctus, qui facit opus DEI negligenter. à DEO maledictum esse, quām horrenda poena? quām horrendum igitur sit oportet, quod illam meretur? Ea proficiscitur à DEO justo: & sic gravior non est, quām ipsuſer peccatum: imò prodit à DEO misericorde; igitur minor esse deber malo, quod per eam punitur: ac proin grande malum sit necesse est, opus DEI facere negligenter. Et sanè gravius subinde malum est actionem bonam languidè facere, quām de se malam facere. Non raro is, qui malum facit, subobscure tantum cognoscit Deum, quem offendit, nec de eo cogitat, eaque de re minus reus est: vel penitus non cognoscit malum, quod facit, & tunc fieri potest, ut illius reus non

non sit. Is verò , qui facit opus DEI , Januarius. cognoscit DEUM , & plerumque de eo cogitat , eumque despiciat ; hoc est , irreverentiam DEO exhibet ea ipsa aetione , quae ad DEUM honorandum instituta est . Videtur sua agendi ratione dicere , Dominum , cuj servit , vel mercedem , quae sibi promittitur , haud mereri , ut tantum in se laboris suscipiat . Aliquoties minus DEUM offendimus , minùsque ei displicemus , cùm ei non servimus , quām , cùm ei ignaviter servimus .

III. Homo , quia gravia scelera non committit , peccatorem se esse non credit , & idcirco arbitratur , se ad pœnitentiam agendum non obligari . Interea Christus ipse significat Episcopo Ephesino , etiam cùm eum pluribus laudat , ipsum , postquam à primo fervore non nihil remisit , pœnitentiā indigere : *Age pœnitentiam* ; eique minatur , nisi eam ipsem egerit , se eandem ei impositurum , immittendo ei pœnas , & afflictiones , quibus ad sanandum ejus temporem usurus sit . An non ista Commixatio etiam te contingit ? An non ea tibi inspirare timorem , tēque ad pœnitentiam animare debet ? Illi , qui repidi sunt , non credunt , se gravium delictorum esse eos ; quia libenter cogitant de malo , quod

Apoc. 2. 3.

E 2 omit-

Januarius.

omittunt, & de modico bono, quod agunt, quām de malo, quod agunt, & de bono, quod negligunt, et si id agere deberent; cūm se potius comparent illis, qui infra ipsos, seu magis dissoluti, & ignavi sunt, quām illis, qui ejus meliores, aut probiores, ferventioresque sunt. Hi non minūs, quām Phariseus ille sibi blandiuntur, quōd tā manū non fint, ac multi alij, sibi que in virtute sua imaginaria placent; cōram tribunali ipsius DEI causa Confusio-
nis, & materia doloris eis futura est. An non hactenus hunc in modum tibi impo-
suisti? An non vana tua securitas, in tam
ignava vivendi ratione hoc indicat?

*Imaginare tibi, Dominum nostrum id ipsum ti-
bi exprobrare, quod Episcopo Ephesi, de tua so-
cordia, tēque hortari æquē ac ipsum ad pœn-
tentiam agendam. Statue inde non minūs, quām
ipse proficere.*

Maledictus, qui facit opus DEI negli-
genter. *Ierem. 48. 10.*

Abijciamus perniciosa tepiditatem,
quia DEO vomitum provocare solet.
Bern.

DIES